

آبونتہ شریانی

ممالك عثمانیه ده سنه لکی (۶۵) آلتی ،
 یلغی (۳۵) غروشدر
 ممالك اجنبیه ده سنه لکی (۱۷) ، آلتی
 آیلغی (۹) فرانقذر .

اداره خانہ

باب عالی جادہ سندھ دائرۃ مخصوصہ

اخطاوات

آبونه بدلی پشینه در .

§
مسلكه موافق آ ناز مع الممنونيه قبول
اولنور . درج ابدله ين يازيلر اعاده
اولونماز .

خطوات

رساله مزدن آئند یغی کو سترک شریطیله
بتون یازیله هر هانکی بر غنّه طرفندن
اقتباس اولونه بیلیر .

مکتوبلرک، امضالری واضح و او قوناقلی
اولسی و آیونه صره نومروسنی محتوی
بولونمسی لازمدر .

ممالك احنييه ايچون آبوننه اولانارك
آدرسارينك فرانسزجه ده يازلسى رجا
اولشور .

پاوه كوندردلدىكى زمان تەيەدا ئارولدىغىنىڭ
واضحا بىلدىرلمسى رجا اولنور .

دینی ، فلسفی ، علمی ، ادبی ہفتہ لقمہ مجموعہ اسلامیہ در ۔

صاحب و مدیر مسئول

اشرف ادیب

پاش محرو

محمد عاكف

واللہ یہدی من یشاء الی صراط مستقیم

اتبعون اهدكم سبيل الرشاد

بر تظاهر فعلیسی اولان او فیضلی اجتماعک بتون اسلام مملکتلرینه اتحاد و انتباه نورلری صاحبسقی ایستیوردی. فقط عمری وفا ایتمه دی. مصطفی ، نیل شاعری شوقینک :

« المشرقان عليك ينتحبان سقا صیها فی مآثم والدانی »

دیه باشلایان و سراپا ملتک سینه سسندن قویان نشیده مخلده سیله مصرک ، او معشوقه وجدانک آفوش ابدیسنه کوموادی ؛ ملتک سینه سسند جلودانی حیاتی یاشامغه باشلادی.

ایشته نیلک وطن پرور داهیسی . . .

مصرلی
عمر رضا

مکتوبات

ظفر محققد

« ولن يجعل الله للكافرين على المؤمنين سبيلا »

بو آیت کریمه بی اوقوبنجه بتون تاریخ اسلام کوزمک اوکنده جانلانیور ، اونک زنده ووقور پری اختشامی قارشیمه دیکلیور ، بوتون فضائل ، بتون مفاخری تمیل ایدن اوپری بر عظمت بتون جاذبه و کوزمه لایکله عشق وجدانی علویور ، روحی نورلیدیور . استقبال حقنده کی ایمانی ترصین ایدیور .

جناب حق او بلاغت لاهوتیه سیله مسلمانلرک هیچ بروقت کافرلرک اسیری اولیه جقلری ، کفرک ایمانه تفوق ایتیه جکنی فرقان حکیمنده بیان بیوریور .

شمدی بتون فلاکتلریمیزک اساسی بتون فجاعتیه کوروپورم . خسته لقلریمیزک که ده متلیسی مشاهده ایدیورم بزم بیاض القلب ایتمش ، اللهم بیوردینی کی مؤمن ده کل ایتمش . ایشته سقوط طمیزی تمجیل ایدن یاره بوایمش . اجدادیمیزی الیوکسک شاهقه مدینته ایصال ایدن فیاض و منور قوت : « ایمان » ایدی . اونلرک هر طفری . هر ترقیسی او ایمانک قوتنه وابسته ایدی . او قوت بتون ایمر اطور لقلری صار صمش ، خاک ایله یکسان ایتش ، یرینه دها رصین و ناقابل انهدام بر « بنای توحید » قورمش ایدی ، او قوت هیچ مغلوب اولماش ، دائما غالب کلش ایدی . دیمک بزم ضعفمز ، ذلتمز درونی برضعفک نتیجه سیدر : ضعف ایماندر .

بوکون بز روحزی آیدن لاتدق ، قلیجمیزی چیقاردق ، ایمانمیزک قوتنه استناد میدان چیققدق ، اهل ایمان اولدیغمیزی فعلا اعلان ایتدک . آرتق عون حقله ظفر محققد . اوظفره اینانیمان وارسه اونک ایمانندن شبهه ایدوم .

ظفر محققد . چونکه الله « والذین جاهدوا فینا لنهذبهم سبلنا » اوغورمزده جهاد ایدنلره یولمیزی کوسترز « بیوریور .

ظفر محققد . چونکه بوکون محاربه ایدن سیف حماسه اسلامدر . بوایمه هر زمان مظفردر . اللهم نصرتی ایله موعوددر . « وکان حقا علینا نصر المؤمنین » .

ظفر محققد . چونکه نه زمان اعلائی کلمه الله اوغرنده اعدای اسلام ایله فداکارانه چارشمشسه مسلمانلر دائما اللهم فضل عظیمه نائل اولمشلر ، غالب کلشلردر . « الا ان حزب الله هم الغالبون »

فقط هر مسلمانک ظفر حقنده کی قناعتی ایمانک قوتنه مر بوطدر . بویله بر زمانده جزئی بر تردد ، براندیشه کوسترنلر ، بدین اولانلر حق تعالانک « ولا تنهوا ولا تمزنوا واتم الاعلون » امر جلیله عصیان ایتش اولورلر .

ظفر مظفر اولمه به عزم ، مظفر اوله جفته ایمان ایتش اولانکدر . جبین وضعیف العقل والقلب اولانلر دائما منهزم اولورلر ، ندامتدن ندامته ، فلاکتدن فلاکت اوغرارلر . بالعکس هر مؤمن ، « جنتی » قلیجلرک کولکسند کوره رک جهاد ایدر . قرب رحمانه تشنه اولان روحی جام شهادت ایله سیراب اولور . آرتق او « جنتی » کورمیانلر ، اعلائی کلمه الله اوغرنده جان و یرمه نلرک مسلمانلقلری آنجق اسملرنده در . الله هیچ بروقت مسلمانلری کافرلرک اسیری ایتمز . « ولن يجعل الله للكافرين على المؤمنين سبيلا » عبدالغنی سعید

مکتوبات

فاس امیری عبدالملك حضر تلرینک مکتوبی

جزائر مجاهد شهری عبدالقادر مرحومک اولاد کرماندن ارلوب اخیراً فاسه کیدرک اوراده فرانسلره قارشی اعلان جهاد ایلن و بر چوقواقعه احرار ظفر و غلبه ایدن فاس امیری عبدالملك حضر تلری طرفدن بوراده کی اقاربنه کوندربلن و بر صورتی تصفیر افکار رفیقمزده انتشار ایدن مکتوبی ، اهمیت فوق العاده سنه مبنی ، بزده بوجه آتی درج ایدیورز :

« جناب حق عموم اهل اسلامی توفیقات صمدانیه سنه مظهر بیورسون آمین . « بوکره دخی مجاهدینک واقع اولان مهاجرات شهبده لری اوزرینه فرانسلرک اک زیاده تحکیم ایتکلری فاس شهرینی له الحمد اون بش کونده فتح ایتکه موفق اولدم . کیجه لی کوندوزلی دوام واشتداد ایدن حرب اوزرینه شجیع و بهادر مجاهدلر رایت اسلامی فاسک برج و بارولرینه رکز ایتدیلر . شهر اهالیسی عظیم مسرتلره بزی استقبال ایلدیلر . تهلیل صدارتی آفاقی چینلاتیوردی . کوز یاشلرله اهالی یکدیگری در آغوش ایدیورلر و جوامع شریفه مناره لرنده جناب